

Lingua vietnamita

Na Galipedia, a Wikipedia en galego.

O **vietnamita**^[1] (*tiếng Việt, tiếng Việt Nam*, ou *Việt ngữ*), unha lingua tonal, é a lingua oficial de Vietnam (*Việt Nam*). É a lingua do pobo vietnamita (*người Việt* ou *người kinh*), que constitúe arredor do 87% da poboación de Vietnam (e segundo idioma do resto da poboación vietnamita), ademais de selo de 2 millóns de emigrantes vietnamitas, a metade nos Estados Unidos ^[2]. Aínda que contén moito vocabulario proveniente do chinés, e que foi no pasado escrito usando os ideogramas chineses, non é considerado como emparentado ao chinés senón como unha lingua austroasiática. Antigamente foi coñecido, baixo a dominación francesa, como Annamita (ver Annam) O vietnamita actualmente usa o alfabeto latino, complementado cunha chea de acentos diacríticos.

Índice
Clasificación
Distribución xeográfica
Historia
Status oficial
Dialectos
Notas
Véxase tamén
Outros artigos
Ligazóns externas

Clasificación

O vietnamita pertence ao grupo viet-muong, da rama mon-khmer da familia austroasiática, unha familia que tamén inclúe a lingua khmer, que se fala en Camboxa, e varios idiomas tribais e rexionais, como as linguas mundas, que se falan no nordeste da India, e outros máis no sur de China e a península malaia.

Considérase que o vietnamita pertence á superfamilia áustrica (que tamén inclúe as linguas austronesias como o malaio, o cham, o malgaxe, o maorí, e o hawaiano), aínda

	Vietnamita <div>'Tiếng Việt'</div>
Falado en:	<u>Vietnam</u> , <u>Estados Unidos</u> , <u>Camboxa</u> e outros países
Rexións:	<u>Sueste asiático</u>
Total de falantes:	70–73 millóns nativos; 80 millóns total (primeira o segunda lingua)
Posición:	16
Familia:	<u>Austro-asiática</u> <div><u>Mon-khmer</u><div><u>Viet-muong</u><div>Vietnamita</div></div></div>
	Estatuto oficial
Lingua oficial de:	<u>Vietnam</u>
Regulado por:	Instituto de Ciencias Sociais de Hanoi
	Códigos de lingua
ISO 639-1:	vi
ISO 639-2:	vie
SIL:	VIE

que se discutíu a clasificación da superfamilia áustrica, xa que algúns lingüistas considéranla como unha lingua illada.

Distribución xeográfica

De acordo coa publicación *The Ethnologue*, o vietnamita fálase en Australia, Camboxa, Canadá, China, Costa do Marfil, Finlandia, Francia, Alemaña, Laos, Martinica, Países Baixos, Nova Caledonia, Noruega, Filipinas, Senegal, Tailandia, Reino Unido, EE.UU. e Vanuatu.

Historia

É probábel que no pasado distante o vietnamita haxa compartido máis características cos outros idiomas da familia austroasiática, como unha morfoloxía inflexiva e unha variedade máis rica de grupos consonánticos, mais estes trazos realmente desapareceron da lingua. Porén, o vietnamita estivo moi influído pola súa situación no sprachbund do sueste asiático, co resultado de adquirir características como a morfoloxía illante e a tonoxénese. Estas características, aínda que poderían existir na lingua protoaustralasiática, chegaron a ser unha dos varios idiomas non relacionados filoloxicamente do sueste asiático. Por exemplo, o tailandés (unha das idiomas tai-kadai), o tsat (un membro da familia malaio-polinesia dentro da austronesia), e o vietnamita desenvolveron tonos como característica fonémica, aínda que as súas idiomas ancestrais non eran tonais orixinariamente.

O antepasado do idioma vietnamita estaba situado nun comezo na rexión do río Vermello no que hoxe é o norte do Vietnam, e durante a expansión posterior do pobo vietnamita para o que hoxe é Vietnam central e Vietnam do sur (pola conquista do reino antigo Champa e o pobo camboxana do delta do Mekong, nos arredores de Saigón/Cidade de Ho Chi Minh na actualidade), o vietnamita foi influído lingüisticamente ao principio, polos idiomas indios e malaio-polinesios, ata que o chinés empezou a dominar politicamente a metade do primeiro milenio antes de Cristo.

Coa dominación política chinesa vén a importación radical do vocabulario e a influencia gramatical chinesa. Posto que o chinés foi, durante un período prolongado, o único idioma da literatura e o goberno, e tamén o idioma principal da clase dirixente en Vietnam, gran parte do léxico vietnamita consiste en *hán việt*, é dicir, palabras derivadas do chinés. De feito, mentres que a lingua vernácula de Vietnam gradualmente gañou prestixio ao principio do segundo milenio, o vietnamita seguiu escribíndose usando os caracteres chineses (ver chữ nôm) que se adaptaron para escribir en vietnamita, como no Xapón (ver Kanji), Corea, e outros países da esfera cultural chinesa.



Principais comunidades falantes de vietnamita no mundo

Países con máis dun millón de falantes

Países con máis de 100.000 falantes

Mentres aumentaba o contacto co Occidente, o sistema quốc ngữ de escritura romanizado no século XVII foi desenvolvido por portugueses e outros europeos involucrados na conversión relixiosa e o comercio en Vietnam. Porén, a escrita romanizada non chegou a dominar ata principios do século XX, cando se xeneralizou o seu uso ao considerarse que un sistema de escritura máis sinxelo podía mellorar a educación e a comunicación da poboación en xeral.

Status oficial

O vietnamita é o idioma oficial de Vietnam.

Dialectos

Hai varios dialectos intelixíbeis entre si (algúns máis intelixíbeis que outros). Os tres dialectos principais son:

Nome moderno	Dialectos rexionais	Nome anterior
Vietnamita do norte	Dialecto de <u>Hanoi</u> , outros dialectos do norte: Haiphong e varias formas provinciais	<u>Tonkinés</u>
Vietnamita central	Dialecto <u>Huế</u> , Dialecto Nghệ An, Dialecto Quảng Nam	Alto <u>anamés</u>
Vietnamita do sur	Dialecto de <u>Saigón</u> , Dialecto do Mekong (Afastado oeste)	<u>cochinchinao</u>

Estes dialectos son un pouco distintos en canto ao ton, aínda que o dialecto de Huế é marcadamente diferente aos demais. Os tons *hỏi* e *ngã* son máis distintos no dialecto do norte que no do sur.

Notas

- Definicións no *Dicionario da Real Academia Galega* (<http://academia.gal/dicionario/-/termo/busca/vietnamita>) e no Portal das Palabras (<http://portaldaspalabras.gal/dicionario/procura/vietnamita>) para *vietnamita*.
- Linguas faladas no fogar. US Census 2000 (<http://www.census.gov/population/cen2000/phc-t20/tab05.pdf>)

Véxase tamén

Outros artigos

- Alfabeto vietnamita




Existe unha versión da Wikipedia en **Lingua vietnamita**

Ligazóns externas

en inglés

- VDict (<http://vdict.com>): Dicionarios online de vietnamita
- Reporte do Ethnologue sobre o vietnamita (http://www.ethnologue.org/show_language.asp?code=VIE)
- Vietnamese Writing System (<http://www.cjvlang.com/Writing/writviet.html>): Un esbozo sobre a escrita vietnamita.

- [20 leccións \(http://www.seasite.niu.edu/vietnamese/VNLanguage/SupportNS/tableofcontent.htm\)](http://www.seasite.niu.edu/vietnamese/VNLanguage/SupportNS/tableofcontent.htm)
- [Vietnamese 101 \(http://www.101languages.net/vietnamese/\)](http://www.101languages.net/vietnamese/) Aprendizaxe online do vietnamita]
- [Teclado vietnamita en liña \(https://web.archive.org/web/20070211220347/http://www.incks.com/en/vietnamese.html\)](https://web.archive.org/web/20070211220347/http://www.incks.com/en/vietnamese.html)

 *Este artigo sobre lingüística é, polo de agora, só un bosquexo. Traballa nel (https://gl.wikipedia.org/w/index.php?title=Lingua_vietnamita&action=edit) para axudar a contribuír a que a Galipedia mellore e medre.*

Existen igualmente outros artigos relacionados con este tema nos que tamén podes contribuír.

Traído desde "https://gl.wikipedia.org/w/index.php?title=Lingua_vietnamita&oldid=5469633"

A última edición desta páxina foi o 1 de xuño de 2020 ás 13:32.

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.